

仲秋述近時事

古水

癸巳年八月十五 / 2013-09-19

建星在酉，殷事值秋。
百卉具腓，羣鳥養羞。
是夜，月明于中庭，
古水閒步而悵望，感予身之伶俜。
涼夜自淒，引雲壑風篁成韻；
冷咽無聲，潛蕙畹桂露溼花。
洛陽風起，懷鄉止緣鱸膾；
關外葉零，思歸徒羨征鴻。
萍蹟無蹤，浮沉奈何天定；
身世難瞭，聚散會當笑逢。
長者憐余孤苦，數欲相爲行媒。
弱季功業未就，曷敢再作攀陪。
弢東門有縞綦，惟悠悠之所思。
雖鳩鵲多善辭，叵余心之寸移。